

*Brevis Descriptio finium sanctissimorum Patriarcharum,
& Apostolicarum Sedium enumeratio.*



PRIMUS Thronus Coryphæi Apostolorum Petri, senioris Romæ Præfulis, Apostolicam & Patriarchicam Sedem moderantis, ad terminos usque Sazorum ^a, Gallorum, Camporum ^b, Francorum, & Gades usque ad Herculis columnas, atque Oceanum, (*populorum*) initium habentium ab occasu solis, ubi sunt mortuæ aquæ & quietæ ac densæ, ubi & insula ^c quædam ad extrema maris Oceani, virorum admodum ferax, Christianorum innumeram multitudinem continens, qui sunt homines proceri, robusti & fortissimi; atque inde Ravennam ^d usque & Longobardos, ac Thessalonicam, Schlavos, Arrabos ^e, Avar-
res ^f, & Scythas, ac Danubium flumen, Ecclesiasticas constitutiones terminorum Episcopalium complectens. Tum etiam Sardiniam, & Magiricas ^g, Carthaginemque & Hesperias oras, & simul omnes complectens regiones, atque concludens, in quibus circumfluentes spirant venti Circius Septentrionalis, Aquilo, quin & Choreus, cujus in Actibus Apostolorum mentio fit, medius deinde Favonius, Hesperius Occidentalis, Africus, atque Austro-africus. Hæc amplectitur omnia supremus Apostolorum & præstantissimus Patriarcharum magnæ scilicet Romæ Antistes.

Secundus sanctissimus Apostolicus Thronus & Patriarchicus Constantinopoleos, primi inter Apostolos à Christo vocati Andreæ, & magni Theologi Evangelistæ, atque Apostoli Joannis, Europam & Asiam ad Siciliam usque, quæ ad Occidentem est, ac Cycladas, indeque ad Chersonem, Avergiamque ^h & Choldiam ⁱ, & Chazariam ^k ad Cappadociam usque Borealia cuncta climata complectens.

Tertius sanctissimus & Apostolicus Thronus Alexandriæ, Evangelistæ & Apostoli Marci, qui factus est filius summi Apostolorum Petri, obtinens usque ad interiorem Indiam, & Æthiopiam, quæ sedes fuit sancti Apostoli Thomæ, atque inde ad Marmaricam, Africam, Tripolim, & universam Ægyptiorum Provinciam ad Palæstinæ usque fines, Austri, atque Austro-africi climata continens.

Quartus sanctissimus & Apostolicus Thronus Antiochiæ & Patriarchicus, ac Coryphæi Apostolorum Petri prima sedes, complectens versus ortum solis iter LXXXVII. dierum versus Tiberiam & Abasgiam ^l, atque Armeniam & usque ad interius desertum Chorofani ^m, Persas, Medos, Chaldaeos, indeque ad extrema Arabiæ præfecturæ, Parthos, Elamitas, & Mesopotamios: Vulturum, Subsolani, & si quis est alius Orientalis ventus, climata comprehendit. Habet autem Metropoles duodecim, Tyrum, quæ habet Episcopatus (XIII.) Tarsum, quæ habet Episcopatus (V.) Edeffam, quæ habet Episcopatus (XI.) Apameam, quæ habet Episcopatus (VII.) Hierapolim, quæ habet Episcopatus (IX.) Anabanzam, quæ habet Episcopatus (VIII.) Seleuciam Isauriæ, quæ habet Episcopatus (XXIV.) Damascum, quæ habet Episcopatus (XI.) Amidam, quæ habet Episcopatus (VIII.) Sergiopolim, quæ habet Episcopatus (V.) Cædarach ⁿ, quæ habet Episcopatus (III.) Eriti ^o, Emesæ, Laodiceæ, Samasatorum, Cyri: Archiepiscopos (VII.) Berroæ, Chalcedonis ^p, Gabalorum, Seleuciæ Pieriæ, Anatzarthon, Pluti Gabalorum; Litti duo, Salamidis, & Marcusarum.

^a Fortè Saxonum, i.e. Anglorum, qui in extremis versus Septentrionem.
^b Cambrorum forte, seu Britannorum, qui Anglis vicini, insulam cum ipsis partiebantur.
^c Insula hæc cre-
di potest Hibernia virorum fecunda, & insula Sanctorum dicta.

^d i.e. Exarchatum, seu eam Italiæ partem, quæ Exarchis Ravennatibus parere solita, cum reliqua Italia Longobardis subjecta esset eo tempore.

^e Arrabi videri possunt, qui Arabi in vetusta inscriptione apud Goltzium, Arabisci Plinio fortè, Arabisci Ptolemæo, Pannoniæ populi.

^f Avars, five Abares populi ad Danubium Suidæ, qui prius Hunni.

^g Legendum nistallor Majoricas.
^h Avergia fortè Avarenorum regio in Sarmatia.

ⁱ Cholchidem haud dubiè.

^k Gazariam.

Sunt autem Gazari Sarmatiæ gens in Historia Miscella.

Chazari quoque leguntur & iidem opinor circa Chersonem.

^l Abasgi Iberi sunt aut eorum pars.

^m Chorofan fortè.

ⁿ Forte Casarea Ciliciæ.

^o Beryti.

^p Chalcis.